

Javna ustanova Srednja ugostiteljsko-turistička škola
Public institution Secondary school of hospitality and tourism

Broj: 02-210-1/26

Sarajevo, 16.02.2026. godine

Na temelju odredbi člana 38. Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj: 27/24), te članova 57., 58. i 59. Pravilnika o organizaciji i realizaciji škole u prirodi, izleta, studijskih posjeta, ekskurzija, kampovanja/logorovanja, društveno-korisnog učenja i drugih oblika odgojno-obrazovnog rada u osnovnoj i srednjoj školi ("Službene novine Kantona Sarajevo", broj: 34/24, 10/25, 45/25), uz konsultacije sa Odjeljenjima završnih razreda Javne ustanove Srednja ugostiteljsko-turistička škola Sarajevo, Nastavničko vijeće na sjednici utvrđuje

IZVEDBENI PLAN I PROGRAM MATURALNE EKSKURZIJE UČENIKA

IZABRANA DESTINACIJA

Izabrana destinacija za ekskurziju učenika završnih razreda Javne ustanove Srednja ugostiteljsko-turistička škola Sarajevo je Italija. Predviđena je posjeta Veroni, San Remu, Bolonji, Padovi i Gardalandu.

CILJ EKSKURZIJE

Učenička ekskurzija je jedna od prilika da se učenici tokom putovanja upoznaju sa drugim zemljama, njihovim prirodnim, historijskim i kulturnim znamenitostima. Učenici će imati priliku da upoznaju novu sredinu, druge ljude i njihov način života, kulturu i običaje. Ekskurzija je prilika da učenici iskažu svoju individualnu i kolektivnu odgovornost, međusobno uvažavanje, uvažavanje vrijednosti, ali i različitosti. Također će novim saznanjima savladati dio nastavnog programa iz općeobrazovnih, stručno-teoretskih predmeta i sveukupne djelatnosti škole, a to su turizam i ugostiteljstvo.

ZADACI EKSKURZIJE

Zadaci učeničke ekskurzije su razvijanje pozitivnog odnosa prema nacionalnim, umjetničkim, naučnim i kulturnim vrijednostima jedne evropske zemlje, izgrađivanje kulturnih navika posjetama kulturnim znamenitostima, sticanje novih znanja, razvijanje interesovanja za prirodu i izgrađivanje ekoloških navika, razvijanje svijesti i osjećaja lične odgovornosti boravkom u hotelu, upoznavanje

sa pravima i obavezama gosta, upoznavanje sa historijom regije razgledavanjem historijskih znamenitosti iz različitih perioda, bolje međusobno upoznavanje učenika i unaprijeđenje razumijevanja nastavnika i učenika, kao i aktivna upotreba stranih jezika u raznim situacijama.

PROGRAM I SADRŽAJ EKSKURZIJE

Planirana destinacija za izvođenje ekskurzije učenika završnih razreda je Italija.

Ekskurzija će se realizovati u mjesecu septembru 2026. godine u trajanju od pet radnih dana. Okviran broj učenika za realizaciju je 40% od ukupnog broja učenika završnog razreda. Turistička agencije za realizaciju ekskurzije će biti izabrana putem Javnog poziva. Sadržaj maturalne ekskurzije se utvrđuje u saradnji sa Vijećem roditelja i Vijećem učenika, te Odjeljenskim vijećima završnih razreda, uz pisane saglasnosti roditelja i provođenje propisane procedure.

TEHNIČKA ORGANIZACIJA EKSKURZIJE

Prevoz, boravak na izabranim destinacijama, smještaj i boravak u hotelu i turističkog vodiča organizovati će izabrana turistička agencija u skladu sa Pravilnikom o organizaciji i realizaciji škole u prirodi, izleta, studijskih posjeta, ekskurzija, kampovanja/logorovanja, društveno-korisnog učenja i drugih oblika odgojno-obrazovnog rada u osnovnoj i srednjoj školi u Kantonu Sarajevo. Prilikom izbora turističke agencije vodiće se računa o uslovima putovanja, cijeni aranžmana prilagodljivoj učenicima, uslovima i načinu plaćanja, kvaliteti smještaja i ishrane, kvaliteti prevoza. Po obavljenom izboru turističke agencije sklopiti će se ugovor između škole i turističke agencije. Cijenu aranžmana učenici/roditelji/staratelji uplatiti će lično na račun agencije.

NOSIOCI PREDVIDENIH AKTIVNOSTI

Nosioci organizacije i izvođenja plana ekskurzije su direktor Škole, Vijeće roditelja, Vijeće učenika i odjeljenske starješine. Odgovorna lica su nastavnici pratioci učenika i vođa puta.

FINANSIRANJE EKSKURZIJE

Ekskurziju će finansirati roditelji odnosno staratelji učenika. U posebnim slučajevima, i drugi mogu finansirati ekskurziju učeniku. Za nastavnike pratiocice predviđene su naknade u skladu sa propisima.

OBAVJEŠTENJE RODITELJA I ŠKOLE ZA VRIJEME TRAJANJA EKSKURZIJE

U toku trajanja ekskurzije, vođa puta i vodič iz turističke agencije svakodnevno će obavještavati Školu o toku i aktivnostima koje se provode na ekskurziji, a roditelji učenika moći će svakodnevno dobiti informacije od radnika Škole.

NAČIN ANALIZE I PODNOŠENJE IZVJEŠTAJA PO OKONČANJU EKSKURZIJE

Poslije završene ekskurzije, nakon povratka, vođa puta će podnijeti pismeni izvještaj direktoru Škole, Nastavničkom vijeću i Školskom odboru o realizaciji ekskurzije.

USVAJANJE IZVEDBENOG PLANA I PROGRAMA EKSKURZIJE

Sa konačnim Izvedbeni planom i programom će biti upoznat Školski odbor Javne ustanove Srednja ugostiteljsko-turistička škola Sarajevo, kojem će izvještaj podnijeti Komisija za provođenje procedure odabira putničke agencije za realizaciju ekskurzije.

DIREKTOR

Bahra Pašić